

DISPOSICIÓN FINAL A presente Ordenanza estará vixente o día da súa publicación no Boletín Oficial da Provincia e comenza a aplicarse o 1 de xaneiro do ano 2014, estando en vigor en tanto non se acorde a súa modificación ou derogación expresas

**ANEXO Á ORDENANZA REGULADORA DA TAXA POR LICENZAS DE AUTOTAXI
E DE MAIS VEHÍCULOS DE ALUGAMENTO**

1. Por cada permiso especial de conducir	8,74
2. Por cada licenza por dedicar un automóvil ó aluguer no término municipal	606,00
3. Inspección anual do vehículo	29,41
4.—Cambio de material	9,69
5. Por transferencia de licenza	484,80

**ORDENANZA FISCAL Nº 10 REGULADORA DA TAXA POR DEPURACIÓN
DE AUGAS RESIDUAIS**

ARTIGO 1.—FUNDAMENTO E NATUREZA

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, do 2 de abril, reguladora das Bases de Réxime Local, e de conformidade co disposto nos artigos 20 a 27 do Real Decreto Lexislativo 2/2004 do 5 de marzo, polo que se aproba o Texto Refundido da Lei de Facendas Locais, este Concello establece a “Taxa por depuración de augas residuais”, que se rexerá pola presente Ordenanza fiscal, as normas da cal atenden ó previsto no artigo 57 do citado Texto Refundido.

ARTIGO 2.—FEITO IMPOÑIBLE

1.—Constitúe o feito imponible da taxa a prestación do servizo de depuración de augas residuais vertidas a través da rede de sumidoiros.

2.—A taxa non afecta ós inmobles derrubados, declarados ruinosos ou que teñan a condición de terreo.

ARTIGO 3º. SUXEITO PASIVO.

Están obrigados ó pagamento da Taxa en concepto de suxeitos pasivos contribuíntes as persoas físicas e xurídicas e as entidades ás que se refire o artigo 35.4 da Lei Xeral Tributaria ocupantes ou usuarios dos inmobles sitos no Concello e afectados polo servizo, calquera que sexa o seu título: propietarios, usufructuarios, habitantes ou arrendatarios, mesmo en precario. En todo caso terá a consideración de suxeito pasivo, substituto do ocupante ou usuario das vivendas ou locais, o propietario destes inmóbles que poderá repercutir no seu caso sobre os respectivos beneficiarios do servizo as cotas pagadas.

ARTIGO 4º. RESPONSABLES

Serán responsables solidarios e subsidiarios das obrigas tributarias dos suxeitos pasivos as persoas físicas e xurídicas sinaladas como tales na Lei Xeral Tributaria.

ARTIGO 5.—COTA TRIBUTARIA

A cota desta Taxa será a que figura no anexo desta Ordenanza.

ARTIGO 6.—OBRIGACION DE CONTRIBUIR

1.—A obrigación de contribuír que orixina o cobro da taxa, prodúcese cando comeza a actividade municipal que constitúe o seu feito imponible, quere dicir:

- a) Desde a data de presentación da oportuna solicitude de licenza de conexión, se o suxeito pasivo a formula expresamente.

b) Desde que teña lugar a efectiva conexión á rede municipal de sumidoiros. O dereito ó cobro por esta modalidade de taxa producirase con independencia de que se obtivese ou non a licenza de conexión e sen prexuízo da iniciación do expediente administrativo que poida instruírse para a súa autorización.

2. — Os servizos de depuración teñen carácter obrigatorio para tódalas fincas do Municipio que teñan fachada a rúas, prazas ou vías públicas na que exista sumidoiros, sempre que a distancia entre a rede e a finca non exceda de 100 metros, e devengarase a taxa aínda cando os interesados non procedan a efectua-la acometida á rede.

ARTIGO 7º. DECLARACION, LIQUIDACION E INGRESO

1. Os suxeitos pasivos substitutos do contribuínte declararán a alta e baixa no censo de suxeitos pasivos da taxa, no prazo que media entre a data en que se produza a variación na titularidade do predio e o último día do mes seguinte. Estas declaracións producirán efecto desde a primeira liquidación que se efectúe logo de finalizado o prazo de presentación destas. A inclusión inicial no censo faráse de oficio despois de concedida a licenza de conexión á rede.

2. As cotas esixibles por esta taxa liquidaránse e recadaránse polos mesmos períodos e nos mesmos prazos que os recibos de subministración e consumo de auga, correspondendo a súa xestión ó concesionario, a quen tamén corresponderá a recadación das tarefas.

ARTIGO 8º. INFRACCIONS E SANCIONS

Nesta materia estarase ó disposto na Lei Xeral Tributaria.

DISPOSICIÓN FINAL

A presente Ordenanza estará vixente o día da súa publicación no Boletín Oficial da Provincia e comenará a aplicarse o 1 de xaneiro do ano 2014, estando en vigor en tanto non se acorde a súa modificación ou derogación expresa.

ANEXO

TAXA POR DEPURACION DE AGUAS RESIDUAIS

Uso doméstico.....	1,51 euros/mes
Uso comercial e industrial.....	3,07 euros/mes
Excesos domésticos.....	0,19 euros/m3/mes
Excesos comerc. e industrial.....	0,50 euros/m3/mes

ORDENANZA FISCAL Nº 11 REGULADORA DA TAXA POR SANEAMENTO

ARTIGO 1. — FUNDAMENTO E NATUREZA

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, do 2 de abril, reguladora das Bases de Réxime Local, e de conformidade co disposto nos artigos 20 a 27 do Real Decreto Lexislativo 2/2004 do 5 de marzo, polo que se aproba o Texto Refundido da Lei de Facendas Locais, este Concello establece a “Taxa por saneamento”, que se rexerá pola presente Ordenanza fiscal, as normas da cal atenden ó previsto no artigo 57 do citado Texto Refundido.

ARTIGO 2º. FEITO IMPOÑIBLE

Constitúen o feito impoñible desta Taxa a prestación dos servizos de saneamento. A taxa non afecta ós inmóbles derrubados, declarados ruinosos ou que teñan a condición de terreo.